

欽定古今圖書集成

方輿彙編職方典



欽定古今圖書集成方輿彙編職方典

第六百五十九卷目錄

江寧府部彙考七

江寧府賦役考二

江寧府漕運考

江寧府風俗考

職方典第六百五十九卷

江寧府部彙考七

江寧府賦役考二

通志府志合載

江浦縣

原額田地山塘基場水漾泥灘雜產共二千三百九十六頃四十四畝一分五釐二絲六忽二微

徵田一千三百六十一頃六十二畝五分一釐六毫七絲四忽五微二纖三沙每畝起派本色

漕南米三升九合七勺五抄三撮二圭五粟六粒二顆五黍共徵本色米五千四百一十二石九斗三合四勺六抄四圭一粟九粒二顆九黍每畝起派稅糧并九釐地畝銀六分四釐七毫四絲五微八纖五沙二塵二渺八漠共徵銀八千八百一十五兩二錢四分一釐二絲二微二纖七沙六塵七渺八漠

此項原額徵田一千三百七十八頃二十九畝一分八釐三毫四絲四忽五微二纖三渺內據

張家圩災民童朱段等連名狀告本縣申詳分守道轉詳巡撫批據張家圩先年開熟之田今亦坍沒其原崇四之米公議仍歸衆里完納本圩止納荒糧各復故舊既經該道覆勘無異如詳行繳等因在案內除張家圩廢荒田一十六頃六十六畝六分六釐六毫七絲載入後款輪納錢糧外實編前數

張家圩廢荒田一十六頃六十六畝六分六釐六毫七絲每畝起派本色漕南米七合三勺三

抄四撮三圭九粟二顆三粒八黍共徵本色米
一十二石二斗二升三合九勺八抄七撮二圭
九粟五顆八粒每畝起派稅糧條編并九釐地
畝銀一分一釐九毫七絲一忽六微一沙七塵
二渺二漠共徵銀一十九兩九錢五分二釐六
毫六絲九忽五微三纖五沙五塵二渺此項原
係徵田內撥出輪納

淹荒田一十二頃一十七畝三分二釐一絲一
忽六微七纖七沙每畝起派荒白銀二分五釐

七毫共徵銀三十一兩二錢八分五釐一毫二
絲七忽一沙

高田一頃三十六畝一分八釐八毫每畝起派
荒白銀一分四釐一毫二絲七忽五微共徵銀
一兩九錢二分三釐九毫九絲五忽九微七纖
徵地二百七十五頃六十七畝八分四毫九絲
每畝起派本色漕南米二升一合五勺九抄七
撮八圭六粟四顆五粒五黍共徵本色米五百
九十五石四斗五合七勺一抄六撮二圭二粟

古今圖書集成
考一之三
八顆二粒三黍每畝起派稅糧條編并九釐地
畝銀三分五釐二毫五絲三忽二微三纖一沙
五塵七漠共徵銀九百七十一兩八錢五分四
釐二毫八忽二微八纖六沙二塵九渺九漠
基地二十五頃七十七畝九分七釐二毫八忽
每畝起派本色漕南米一升七合二勺五抄四
撮三圭三粟五顆三粒二黍共徵本色米四十
四石四斗八升一合一勺九抄四撮六圭九粟
七顆四粒每畝起派稅糧條編并九釐地畝銀

二分八釐一毫六絲三忽四微八纖二沙三塵
六渺三漠共徵銀七十二兩六錢一分一釐三
毫八絲三忽七微九纖一沙五塵七渺九漠
在鄉基地二十七頃八十四畝五分七釐每畝
起派本色漕南米八合六勺二抄七撮一圭六
粟七顆六粒六黍共徵本色米二十四石二升
二合四勺八撮七圭三粟九顆四粒四黍每畝
起派稅糧條編并九釐地畝銀一分四釐八絲
一忽七微四纖一沙一塵八渺一漠共徵銀三

十九兩二錢三釐九毫九絲四忽二微六纖四沙四塵四渺四漠

淹地一百七十頃七畝每畝起派荒白銀一分一釐七毫八絲五忽九微二纖共徵荒白銀二百兩四錢四分三釐一毫四絲一忽四微四纖低窪地五頃一十一畝四分七釐九毫每畝起派荒白銀六釐七毫二絲共徵荒白銀三兩四錢四分二釐二毫五絲三忽六微七纖山一百七十五頃一十九畝七分八釐六毫每

畝起派本色漕南米七合三勺三抄四撮三圭九粟二顆三粒八黍共徵本色米一百二十八石四斗九升六合九勺八抄四撮八圭九粟三顆一粒七黍每畝起派稅糧條編并九釐地畝銀一分一釐九毫七絲一忽六微一沙七塵二渺一漠共徵銀二百九兩七錢三分九釐九毫二微三纖四沙六塵一渺八漠

荒山一百六十六頃二十六畝二分五釐五毫四絲二忽每畝起派本色漕南米三合六勺六

抄七撮一圭九粟六顆一粒九黍共徵本色米六十石九斗七升一合七勺四抄五圭九顆五粒五黍每畝起派稅糧條編并九釐地畝銀五釐九毫八絲五忽八微八塵六渺共徵銀九十兩五錢二分一釐四毫五絲四忽二沙五塵一渺八漠

塘九十六頃一分八釐三毫四絲每畝起派本色漕南米一升四合五抄七撮五圭八粟五顆四粒共徵本色米一百三十四石九斗五升五

合三勺九抄七撮九圭六顆七粒九黍每畝起派稅糧條編并九釐地畝銀二分二釐九毫四絲五忽五微六纖九沙九塵六渺六漠共徵銀二百二十兩二錢八分一釐六毫七絲九忽八微八纖九沙六塵七渺二漠

荒塘四十一頃六十五畝九釐五毫每畝起派本色漕南米七合二抄八撮七圭九粟二顆七粒共徵本色米二十九石二斗七升五合五勺八抄九撮三圭一粟三顆三黍每畝起派稅糧

條編并九釐地畝銀一分一釐四毫七絲二忽
七微八纖四沙九塵八渺三漠共徵銀四十七
兩七錢八分五釐二毫三絲九忽三微六纖八
沙四塵五渺二漠

水漾泥灘二十一頃一畝三分七釐六毫每畝
起派荒白銀三釐共徵銀六兩三錢四釐一毫
二絲八忽

以上本縣田地山塘基場水漾泥灘各科則不
等照起存錢糧實數驗派共徵稅糧條編荒白

并九釐地畝銀一萬七百三十九兩五錢九分
一毫九絲五忽六微八纖一沙七塵七渺五漠
內除優免鄉紳舉貢生員吏承等戶銀三百零
八兩七錢八分四釐二毫五絲九忽一微七纖
四沙三塵六渺三漠

實徵稅糧條編荒白并九釐地畝銀一萬四百
三十兩八錢五釐九毫三絲六忽五微七沙五
塵一渺二漠

實徵本色漕南米六千四百四十二石七斗三

升六合四勺八抄

原額人丁七千五百四十七丁於順治五年審
增人丁三十八丁原額審增共人丁七千五百
八十五丁每丁一例徵銀二錢共銀一千五百
一十七兩內除鄉紳舉貢生員吏承等戶優免
人丁四百四十七丁五分共免銀八十九兩五
錢於順治五年四月內准部文止免鄉紳舉貢
生員本身一丁實免銀五十一兩八錢餘丁并
吏承不免銀三十七兩七錢改解戶部

實該當差人丁七千一百三十七丁五分共徵
銀一千四百二十七兩五錢

丁田共實徵夏稅秋糧地畝條編折色銀一萬
一千八百五十八兩三錢五釐九毫三絲六忽
五微七沙五塵一渺二漠

夏稅本色銀四兩三錢七分一釐八毫四絲
秋糧銀一萬一千八百五十三兩九錢三分四
釐九絲六忽五微七沙五塵一渺二漠

戶部本折銀二千五百二十一兩三錢八分八

釐八毫七絲九忽三微二纖七沙八塵二渺二漠

禮部折色銀六十四兩二錢五分

兵部折色銀一千四百三十四兩六錢一分五

釐八毫四絲

工部折色銀五十二兩三錢二分三釐二毫

四部本折綱司水脚解費等銀一百五十二兩

九錢一分九釐五毫四絲五忽七纖九沙八塵

三渺四漠

輕賈等銀七百零六兩九錢一分一釐九絲六

忽八微

本色蓆木板片等銀九兩一錢三分八釐三毫

六絲

改解南省折色銀八百六十九兩五錢四分一

毫七絲六忽

驛站銀一千二百七十七兩六錢一分五釐六

毫三絲七忽八纖七沙一塵

兵餉銀一百五十八兩零三釐六毫五絲八纖

三塵一渺五漠

各衙門銀一十七兩七錢一分四釐五毫四絲九忽九微八纖四沙

經費銀一千四百七兩二錢一分四釐一毫三絲七忽六微

存留支給銀二千三百八十兩五錢三釐八毫九絲三微三纖

裁省解部銀八百零六兩一錢六分六釐九毫七絲四忽二微一纖八沙四塵四渺一漠

外優免丁糧二項解部銀三百四十六兩四錢八分四釐二毫五絲九忽一微七纖四沙二塵六渺三漠

實徵本色孤貧漕南米六千四百四十二石七斗三升六合四勺八抄

本色漕糧正耗米六千一百七十九石九斗

本色留充本省兵糧米二百一十九石六斗三升六合四勺八抄

本色存留孤貧米四十三石二斗

外不在田畝人丁派徵雜項出辦

本縣民牧馬草場田地一十六頃六十畝七分八釐一毫七絲共徵租銀四十三兩五錢三釐四毫三絲四忽水脚銀四錢三分六釐此項原編租銀四十一兩八分六釐六毫三絲四忽於順治三年十月初三日據馬政道盧僉事新增租銀二兩四錢一分六釐八毫原額新增共銀四十三兩五錢三釐四毫三絲四忽水脚銀四錢三分五釐零

工部輪班匠人八名每名銀四錢五分共銀三兩六錢水脚銀三分六釐此項於順治二年准部文免派於順治十五年六月內奉

旨照舊徵解

解南省兵餉項下本縣軍牧馬草場田地溝灘三十一頃三十二畝九分一釐八毫七絲三忽五微四纖六沙共徵租銀一百一十三兩零九分六釐此項原解兵部改解本省兵餉原額田地溝灘共三十七頃七十九畝四分九釐六毫

二絲五微共徵租銀一百二十八兩二錢五分
五釐二毫九絲八忽六微一纖內陸續還過縣
衣旗手金吾等衛納租田地溝灘六頃四十六
畝五分七釐七毫五絲一忽四微五纖四沙共
租銀一十五兩一錢五分九釐二毫九絲八忽
六微一纖寔編前數

本縣蘆課額銀一千六百二十六兩九錢一分
雜辦減徵寬民課程款項

本縣浦子口商稅本色鈔三萬五千九百七十

一貫遇閏加鈔二千九十三貫此項於天啓元
年免編於民

折色鈔三萬七千四百二十八貫每貫折銅錢
二文共錢七萬四千八百五十六文遇閏加鈔
二千八十九貫折銅錢四千一百七十八文

酒醋折鈔一千四百五十七貫每貫折銀六毫
共銀八錢七分四釐二毫以上二項於順治三

年奉招撫內院洪訂正經制改編前南餉項下
在於田畝徵解其城市鄉村酒戶香蠟鋪免派

戶二千六百五十戶

口男婦軍匠共一萬四千一百八十四口

六合縣

原額田一千三頃二十七畝九分三釐八絲五忽內徵田九百一十一頃四十九畝二分九毫四絲五忽每畝起派本色漕南米二升一合四勺九抄一撮八粟九粒九顆五黍共徵本色米一千九百五十八石八斗九升七合六勺每畝起派稅糧條編并九釐地畝銀九分五釐三毫

五絲三忽五微三纖二沙共徵稅糧條編并九釐地畝銀八千六百九十一兩三錢九分九釐五絲九忽八微六纖七沙六漠

軍馬田六十五頃九十六畝八分二釐一毫四絲每畝起派條編銀一分七釐共徵銀一百一十二兩一錢四分五釐九毫六絲三忽八微撒餘田二頃九十三畝每畝起派條編銀六分八釐三毫八絲四忽一微四纖五沙共徵銀二十兩三分六釐五毫五絲三忽一微六纖三沙

五塵

荒白田二十二頃八十八畝九分每畝起派荒
白銀四分四釐共徵銀一百兩七錢一分一釐
六毫

以上本縣田地各科則不等照起存錢糧寔數
驗派共徵稅糧條編荒白井九釐地畝銀八千
九百二十四兩二錢九分三釐一毫七絲六忽
八微三纖三沙五塵六漠內除優免鄉紳舉貢
生員吏承等戶銀七百三十二兩三錢五分七

釐三毫一絲七忽四微九纖一沙二塵七渺七
漠

寔徵稅糧條編荒白井九釐地畝銀八千一百
九十一兩九錢三分五釐八毫五絲九忽三微
四纖二沙二塵二渺九漠

寔徵本色漕南米一千九百五十八石八斗九
升七合六勺

原額人丁一萬二千三百八十七丁於順治五
年審增人丁四百六十六丁原額新增共人丁

一萬二千八百五十三丁每丁一例徵銀二錢
共徵銀二千五百七十兩六錢內除鄉紳舉貢
生員吏承等戶優免人丁五百丁共免銀一百
兩於順治十五年四月內准部文止免鄉紳舉
貢生員本身一丁寔免銀三十九兩餘丁并吏
承不免銀六十一兩改解戶部

實在當差人丁一萬二千三百五十三丁共銀
二千四百七十兩六錢

丁田共實徵夏稅秋糧地畝條編折色銀一萬

六百六十二兩五錢三分五釐八毫五絲九忽
三微四纖二沙二塵二渺九漠

夏稅本色銀四兩一錢六釐八毫九絲

秋糧銀一萬六百五十八兩四錢二分八釐九
毫六絲九忽三微四纖二沙二塵二渺九漠
外商稅餘鈔抵解銀二百一十三兩四錢九分
二釐六毫

戶部本折銀一千七十四兩一錢七分五釐九
毫一絲一忽八微二纖八沙六塵

禮部折色銀六十四兩二錢五分

兵部折色銀一千七百五十一兩九錢七分九釐二毫一絲

工部折色銀五十二兩三錢二分三釐二毫

四部本折水脚等銀一百二十八兩九錢二分

二釐一毫四絲七忽一微五纖四沙八塵五渺八漠

輕賣等銀二百二十七兩七錢四分八釐六毫九絲三忽八微

本色蓆木板片等銀二兩六錢九分一釐五毫一絲

改解南省折色銀三百七十六兩九錢五分四釐四毫五絲九忽四微八纖

驛站銀一千九百七十七兩七錢八分三釐二毫二絲八忽

兵餉銀五百九十九兩一錢二分一毫四絲九忽四微三纖四沙七塵七渺一漠

各衙門銀一十九兩九錢九分四釐二毫四絲

九忽九微八纖四沙

經費銀一千三百四十九兩七錢二分

存留支給銀二千五百八十五兩四錢九分九毫三忽六微六纖

裁省解部銀六百六十四兩八錢六分四釐七毫二絲六忽

外優免丁糧二項解部銀七百九十三兩三錢五分七釐三毫一絲七忽四微九纖一沙二塵七渺七漠

寔徵本色漕南孤貧米一千九百五十八石八斗九升七合六勺

本色漕糧正耗米一千七百二十石六斗

本色留充本省兵糧米一百二十三石九升七合六勺

本色存留孤貧米一百一十五石二斗

外不在田畝人丁派徵雜項出辦

稅課局額辦商稅銀八十二兩九錢五分四釐六毫又協濟昌平州銀四兩五錢水脚銀四分

五釐此項原編額辦商稅銀二百五十兩九錢九分二釐二毫內撥出銀八十二兩九錢五分四釐六毫又撥解昌平州銀四兩五錢水脚銀四分五釐以上二項俱改解戶部餘銀一百六十三兩四錢九分二釐六毫抵解倉木馬價本縣民牧馬草場田地五十二頃六十四畝二分五釐二毫一絲共徵租銀二百一十六兩九錢三分三釐二毫九絲一忽工部項下漁戶出辦本折黃麻白麻魚線膠共

銀六十二兩五分一釐三毫七絲遇閏加銀一兩七錢六分二釐三毫三絲一忽二微五纖內本縣自徵銀五兩三錢八分五釐五毫三絲一微七纖五沙鋪墊銀五分三釐八毫五絲五忽三微一沙七塵五渺遇閏加銀一錢五分四釐四毫三絲一忽三微六沙二塵五渺外江都儀真泰興丹徒四縣協濟銀五十六兩五分一釐四毫六絲九忽八微二纖五沙鋪墊銀五錢六分五毫一絲四忽六微九纖八沙二塵五渺遇

閏加銀一兩六錢七釐八毫九絲九忽九微四
纖三沙七塵五漠此項各縣協濟自行徵銀辦
解赴司掛號解部

班匠出辦工部輪班匠人二名每名銀四錢五
分共銀九錢水脚銀九釐此項於順治二年准
部文免編今於順治十五年六月二十六日部
覆題奉

旨照舊編徵起解

解南省兵餉項下本縣軍牧馬草場皂河北等

圩四十三圩共徵銀三百八十二兩二錢八分
五釐二毫內除該河州馬良丘平自解銀一十
九兩五分本縣寔徵二百六十三兩二錢三分
五釐二毫

瓜埠巡檢司額辦正科桅鈔銀三十二兩七錢
六分六釐六毫

餘鈔銀三十三兩六錢五分二釐四毫此項原
編銀八十三兩六錢五分二釐四毫內撥出銀
五十兩抵解前項倉木馬價銀兩餘銀三十三

兩六錢五分二釐四毫改解戶部充餉

漁課銀一十九兩五錢二分六釐三毫四絲遇

閏加銀一兩七錢八釐三毫九絲此項係江都

等縣協濟銀兩今奉布政司催解各縣自行徑

解內江都縣銀七兩二分六釐三毫四絲遇閏

加銀六錢一分四釐八毫八絲九忽儀真縣六

兩五錢遇閏加銀五錢六分八釐六毫二絲泰

興縣銀一兩五錢遇閏加銀一錢三分一釐二

毫二絲丹徒縣銀四兩五錢遇閏加銀三錢九

分三釐六毫六絲一忽

本縣蘆課額銀二千一百一十七兩二錢五分

本縣房屋鈔七十六貫二百文每貫折銀六毫

共銀四分五釐七毫三絲本色銅錢一百五十

二文四分

稅課局酒醋鈔二百三十八貫五百六十文每

貫折銀六毫共銀一錢四分三釐一毫三絲六

忽本色銅錢四百七十七文四分以上二項於

順治三年奉招撫內院洪訂正經制改編前項

南餉項下在於出畝徵解其城市鄉村鋪戶免派

戶三千二百五十四戶

口男婦軍匠共二萬五千九百九十一口

高淳縣

原額田地山塘草場柳墩等項共七千三百三

十九頃六十六畝八分五釐一毫

徵田四千四百七十五頃九十七畝六分每畝

起派本色南糧孤貧米四合一抄五圭四粟八

顆共徵本色米一千七百九十五石一斗八合

四勺三抄五撮七圭九粟七顆四粒二黍每畝

起派稅糧條編荒白并九釐地畝銀八分五毫

三忽七微一纖九沙三塵共徵銀三萬六千三

十三兩二錢八分一釐五毫五絲四沙七塵六

漠

荒田六十二頃四十畝九釐二毫每畝起派本

色南糧孤貧米四勺六抄六撮三圭四粟一顆

九粒五黍共徵米二石九斗一升一抄六撮六

圭九粟一顆四粒三黍每畝起派稅糧條編并
九釐地畝銀九釐一毫三絲八纖三沙六塵四
渺共徵銀五十六兩九錢七分二釐五毫六絲
一忽八微七纖八沙八塵

徵地七百五十九頃七十六畝四分六釐三毫
每畝起派本色南糧孤貧米一合一勺六抄五
撮八圭五粟四顆八粒八黍共徵本色米八十
八石五斗七升七合五勺三抄三圭八粟一顆
六粒二黍每畝起派稅糧條編并九釐地畝銀

二分二釐八毫二絲五忽二微九沙九渺九漠
共徵銀一千七百三十四兩一錢七分八釐六
毫五絲四忽五微七纖七沙四塵三渺六漠
丹陽湖熟地一十二頃九十三畝六分七釐五
毫每畝起派本色南糧孤貧米五勺五抄九撮
六圭一粟三顆四黍共徵本色米七斗二升三
合九勺五抄三撮九圭一粟一顆五粒七黍每
畝起派稅糧條編并九釐地畝銀一分九毫五
絲六忽一微三塵六渺七漠共徵銀一十四兩

一錢七分三釐六毫三絲三忽一微四纖二沙
九塵五渺一漠

丹陽湖象草場地二百四十一頃六十七畝五分五釐三毫每畝起派本色南糧孤貧米二勺三抄三撮一圭七粟九顆七黍共徵本色米五石六斗三升五合一勺七抄一撮九圭三粟五粒四黍每畝起派稅糧條編并九釐地畝銀四釐五毫六絲五忽四纖一沙八塵二渺共徵銀一百一十兩三錢二分五釐八毫九絲一微二

纖二沙二塵三渺三漠

山塘柳墩一千七百八十六頃九十一畝四分六釐八毫每畝起派本色南糧孤貧米一勺八抄六撮五圭三粟六顆七粒八黍共徵本色米三十三石三斗三升二合五勺三抄一撮二圭八粟二顆九粒二黍每畝起派稅糧條編并九釐地畝銀三釐六毫五絲二忽三纖三沙四塵五渺六漠共徵銀六百五十二兩五錢八分七釐二毫一絲九忽四微九沙一塵六渺三漠

以上本縣田地山塘草場柳墩各科則不等照起存錢糧實數驗派共徵稅糧條編荒白并九釐地畝銀三萬八千六百一兩五錢一分九釐五毫九忽一微四纖二塵八渺九漠

內除優免鄉紳舉貢生員吏承等戶銀七十四兩六錢一分三釐一毫八絲一忽五微七纖二沙二塵六渺一漠

實徵稅糧條編荒白并九釐地畝銀三萬八千五百二十六兩九錢六釐三毫二絲七忽五微

六纖八沙二渺八漠

實徵本色南糧孤貧米豆一千九百二十六石二斗八升七合六勺四抄

原額人丁七千五百一十九丁於順治五年審增人丁一百丁原額審增共人丁七千六百一十九丁每丁一例徵銀一錢五分共徵銀一千一百四十二兩八錢五分內除鄉紳舉貢生員吏承等戶優免人丁七百一十二丁共免銀一百六兩八錢於順治十五年四月內准部文止

免鄉紳舉貢生員本身一丁實免銀五十六兩七錢外餘丁并吏承不免銀五十兩零一錢改解戶部

實在當差人丁六千九百七丁共徵銀一千三十六兩五分

丁田共寔徵夏稅秋糧地畝條編折色銀三萬九千五百六十二兩九錢五分六釐三毫二絲七忽五微六纖八沙二渺八漠
夏稅銀五百七十六兩三錢零八釐九絲一忽

二微五纖內本色銀一百八十兩三分五釐三毫九絲七忽五微折色銀三百九十六兩二錢七分二釐六毫九絲三忽七微五纖

秋糧銀三萬八千九百八十六兩六錢四分八釐二毫三絲六忽三微一纖八沙二渺八漠

戶部本折銀二萬二千七百一十五兩三錢七分八釐五毫五絲七忽四微七纖七沙六塵

禮部折色銀四百八十四兩五錢五分
兵部折色銀三千四百九十一兩二錢

工部折色銀一千五百九十兩五錢二釐四毫七絲五忽

鋪墊銀二十七兩九錢一分一釐七毫五絲

四部本折水脚綱司解費等銀九百三十三兩

五錢五分五釐九毫八絲四忽九纖九沙三塵

二渺八漠

改解南省折色并本色米豆項下綱司水脚門

籌等銀一千一百七十七兩三錢七分四釐三

絲五忽一微五纖五沙二塵

驛站項下夫馬共該銀一千零六十五兩五錢

兵餉銀二千五百六兩五錢八分九釐九毫三

絲八忽四微二纖八塵五渺四漠

各衙門銀五百九十九兩九錢九分一釐五絲

三忽三微五纖二沙

解費銀一千八百一兩七分三釐九毫

存留支給銀一千八百六十兩九錢一分四絲

七忽九微

裁省解部銀一千三百零八兩九錢一分三釐

五毫八絲六忽一微六纖三沙四渺六漠
外優免丁糧二項解部銀一百二十四兩七錢
一分三釐一毫八絲一忽五微七纖二沙二塵
六渺一漠

實徵本色南糧并孤貧米豆一千九百二十六
石二斗八升七合六勺四抄

本色留充本省兵馬米一千七十九石三斗五
升七合四勺四抄豆七百四十六石一斗三升
二勺

本色存留孤貧米一百石零八斗
外不在田畝人丁派徵雜項出辦

兵部民牧馬草場田地塘溝共五十六頃六十
九畝八分三釐三毫共該銀二百七十二兩四
錢四分八釐此項原係額外歲徵於順治十年
據該縣申稱田地塘溝被水患坍沒成湖具詳
布政司轉詳撫按二院批允田地塘溝豁免其
銀載入十年會計編徵續於順治十四年九月
內據布政司信牌開奉撫院張批據高淳縣呈

詳爲橫征事奉批馬場租銀既係額外錢糧不應載入會計累民代輸仰布政司照舊出編責得業人完納繳等因在案仍令佃戶自行輸納工部項下漁戶出辦工部都水司折色黃麻四千零九斤一十三兩每斤折銀二分三釐共折銀九十二兩二錢二分五釐六毫八絲七忽五微遇閏加麻一百十二斤三兩三錢該銀二兩五錢八分七毫四絲三忽七微五纖

折色翎毛一十二萬三千三百根每根折價銀

五毫共折銀六十一兩六錢五分遇閏加翎毛三千三百三十四根共銀一兩九錢六分七釐折色碎翎毛七百零六根每根折價銀五毫共折銀三錢五分三釐

白麻三千一百斤十一兩遇閏加麻九十二斤二錢內該三分本色白麻九百三十斤零三兩價銀二十七兩九錢六釐一毫八絲七忽五微遇閏加麻二十七斤九兩六錢六分該銀八錢二分八釐一毫一絲二忽五微七纖折色白麻

二千一百七十斤零七兩七錢每斤折銀三分
共折銀六十五兩一錢一分四釐四毫三絲七
忽五微遇閏加麻六十四斤六兩五錢四分該
銀一兩九錢三分二釐二毫六絲二忽五微
魚線膠一百六十三斤十兩遇閏加膠四斤六
兩一錢六分內該三分本色魚線膠四十九斤
一兩四錢每斤價銀八分該銀三兩九錢二分
七釐遇閏加膠一斤五兩四分八釐該銀一錢
五釐二毫四絲七忽折色魚線膠一百一十四

斤八兩六錢每斤折銀八分共銀九兩一錢六
分三釐遇閏加膠三斤一兩一錢一分一釐該
銀四分五釐五毫六絲

班匠出辦輪班匠人六十七名每名銀四錢五
分共銀三十兩一錢五分此項於順治二年准
部文免編續於順治十五年六月內奉

旨照舊徵解工部

改解南省兵餉項下漁戶出辦漁課鈔銀一十
二兩五錢七分五釐此項原解南戶部今畱充

本省兵餉

原解南鑾駕庫修理改解本省兵餉銀五十九兩五錢九分五毫此項原解本庫修理今改解布政司畱充本省兵餉

本縣蘆課額銀一十五兩四錢六分

本色漕糧水兌耗米數

京倉兌運免耗米五千二百五十一石六斗

改兌淮安常盈倉免耗米一千一百一十六石三斗

原解南各衛倉水兌免耗米四百六十四石五斗五升八勺

隨漕項下折色銀數

輕費銀一千七百六兩七錢七分水脚銀一十七兩六分七釐七毫

楞木松板銀三十兩一錢九分六釐七毫

改兌項下二升變易米銀三十七兩二錢一分

隨糧一升蘆蓆米銀八十二兩二錢五分

正改兌一分篋纜銀一百六十八兩五錢水脚

銀一兩六錢八分五釐

溜夫工食銀一百六十八兩五錢

陸升過江米銀六百六兩六錢

雜辦內減徵寬民課程漁課款項

本縣折色房屋酒醋鈔一千二百八十七貫八

百七十文每貫折銀六毫共銀七錢七分二釐

七毫二絲二忽

本色審冶鈔一百二十八貫四十三文銅錢二

千七百三十二文五分遇閏加銀七分三毫七

絲錢五百五十八文

原解南鱒魚廠船網銀一百一十兩四錢鱒魚

廠船網銀六十四兩八錢

以上四項於順治三年奉招撫內院洪訂正經

制改編前款南餉項下田畝徵解其城市鄉村

店戶漁戶免編

戶一萬一千三百六十戶

口男婦軍匠共五萬九千五百七十九口

江寧府漕運考

通志

府總

額徵漕運正改兌正耗粳米一十二萬二千二百八十九石一斗三升四合七勺六抄二撮七顆六粒九黍六稷內正兌粳米七萬五千六十八石七斗八升五合四勺五抄八圭六粟三顆四粒七黍五稷

耗米三萬二十七石五斗一升四合一勺八抄三圭四粟五顆三粒九黍二糠

改兌粳米二萬九百一十七石五斗六升五合
四勺八抄五撮二圭二粟九顆八粒六黍九稷
四糠三粃八粶

耗米六千二百七十五石二斗六升九合六勺
四抄五撮五圭六粟八顆七粒六黍八糠三粃
一粶

贈米六千六百六十四石四斗五升六合七勺
三抄八撮一圭三粒八黍四稷八糠
贈銀六千六百一十四兩四錢五分六釐七毫

三絲八忽一微三塵八埃四渺八漠

輕賣易米銀一千八百九十九兩五錢七分五

釐四毫九絲五微三纖七沙八塵九埃七渺七

遂二巡又溧水縣輕賣易米銀三百一十二兩

二錢五分六釐五毫

蘆蓆七分折色銀三百三十五兩九錢五分二

釐二毫二絲八忽二微七纖六沙三塵二埃六

渺七漠七巡又溧水縣十分蓆折銀七十九兩

二錢五釐

楞木七分折色銀一十四兩四錢五分七毫四
絲一忽一微九纖九沙二塵九埃一渺二漠二
遂八巡又溧水縣十分木折銀三兩三錢九分
四釐五絲

松板七分折色銀一百六兩四錢一分三忽三
微七纖六沙五塵九埃八渺九漠七遂七巡又
溧水縣十分板折銀二十四兩九錢九分二釐
五毫五絲

蘆蓆三分本色一萬四千三百九十七領九分

五釐二毫六絲四忽四纖一沙四塵一漠七遂
四巡

楞木三分本色折銀六兩一錢九分三釐一毫
七絲四忽七微九纖九沙六塵九埃六渺二漠
四遂

松板三分本色折銀四十五兩六錢四釐二毫
八絲七忽一微六纖一沙三塵九埃九渺五漠
六遂一巡

加漕銀八千二百一十七兩六錢三分二釐九

毫八忽八微四纖一沙七塵五埃四渺三漠
裁扣書辦工食銀一千四百二兩八錢

省衛漕項南米一萬九千二十九石九斗三升
三合一勺五抄八撮三圭二粟四顆九粒

歸併省衛屯米一萬九千一百八十石九斗七
升七合九勺三抄三撮八圭七粟六顆九粒三

稷一糠五粃

協濟安慶衛米折銀三百五兩二錢八分八毫
八絲

六升過江米折銀四千二十五兩七錢八分四
釐六毫三絲三忽六微九纖九沙三塵六埃四
漠一逡九巡

歸併省衛新增等銀一萬五千三十一兩二錢
九分六釐八毫一絲二忽一微一纖六沙七塵
二埃三漠四逡一巡除荒外實徵新增等銀一
萬四千二百一十三兩三錢七分五釐二毫七
絲一忽四微八纖五沙七塵三埃四渺三漠二
逡

歸併省衛協濟銀五千四百三十七兩六錢七分一釐一絲七忽七纖四沙六塵四埃五渺二漠九逡八巡除荒外實徵協濟銀四千三百四十八兩三錢八分九釐八毫七絲三忽二纖四沙六埃四渺七漠七逡二巡

江寧府風俗考

府志

本府

上元江寧二縣附郭

杜氏通典永嘉之後帝室東遷衣冠之族多渡江而南藝文儒術於斯爲盛今雖閭閻賤隸處力役之際吟詠不輟蓋顏謝徐庾之遺風焉顏氏家訓江東婦女略無交游婚姻之家或十數年間未相識者惟以信命贈遺致殷勤而已顏介云南方水土柔和其音清舉而切天下之能言惟金陵與洛下耳

楊萬里云金陵六朝之故國也有孫仲謀宋武帝之遺烈故其俗毅且美有王茂弘謝安石之餘風故其士清以邁有鍾山石城之形勝長江秦淮之天險故地大而才傑

楊演云建業自六朝爲都邑民物浩繁人才輩出實士林之淵藪

戚氏志金陵山川渾深土壤平厚在宋建炎中絕城境爲墟來居者多汴洛力能遠遷巨族仕家視東晉至此又爲一變歲時禮節飲食市井

負銜謳歌尚傳京城故事地當淮浙之衝談者謂有浙之華而不撓淮之淳而不俚斯得之矣游九言云每愛金陵士民質厚尚氣前年攝行倅事日受訴牒纔當劇郡十之一耳爲吏爲兵者頗知自愛少健狡之風工商負販亦罕聞巧僞視今乃少殊焉

顧華玉尚書近言吾鄉大都也生人之性亢朗冲融重義而薄利風俗之美喜文藝而厭凡鄙得天地之靈懿焉其敝也乃或樂虛淫習侈豫

無麻衣蟋蟀之風恐士緣以喪節也

焦弱侯云金陵六代舊都文獻之淵藪也以故
寰寓推為奧區士林重其清議及夫餘風細故
昔稱游麗辯論彈射臧否剖析毫釐擘肌分理
者至今猶然

顧文莊客座贅語南都一城內民生風尚頓異
自大中橋而東歷正陽朝陽二門迤北至太平
門復折而南至元津百川二橋大內百司庶府
之所蟠互也其人文客豐而主嗇達官健吏日

夜馳驚於其間廣奢其氣故其小人多醜尪而
傲僻自大中橋而西由淮清橋達於三山街斗
門橋以西至三山門又北自倉巷至冶城轉而
東至內橋中正街而止京兆赤縣之所彈壓也
百貨聚焉其物力客多而主少市魁狙僧千百
嘈哢其中故其小人多攫攘而浮競自東水關
西達武定橋轉南門而西至飲虹上浮二橋復
東折而江寧縣至三坊巷貢院世胄宦族之所
都居也其人文之在主者多其物力之在外者

侈游士豪客競千金裘馬之風而六院之油檀
裙屐浸淫染於閭閻膏唇耀首傲而傲之至武
定橋之東西其小人多嬉靡而淫惰由笄橋而
北自治城轉北門橋鼓樓以東包成賢街而南
至西華門而止是武弁中涓之所羣萃太學生
徒之所州處也其人文主客頗相埒而物力嗇
可以娛樂耳目羶慕之者必從而圖南非是則
株守其處故其小人多拘狃而劬瘠北出鼓樓
達三牌樓絡金川儀鳳定淮三門而南至石城

其地多曠土其人文主與客並少物力之在外
者嗇民什三而軍什七服食之供糲與粗者倍
蓰於梁肉紈綺言貌樸僿城南人常舉以相啁
晰故其人多悴劬而蹇陋

上元在鄉地在城之北與東南北濱江東接句
容溧水其田地多近江與山礲瘠居其半其民
俗多苦瘁健訟而負氣江寧在鄉地在城之南
與西南南濱江西南鄰太平田地多膏腴近郊
之民醇謹易使其在山南橫山銅井而外稍不

如而殷實者在在有之

江寧婚姻亦備六禮差與古異古婚禮以不親迎爲譏今則壻之親迎者絕少唯姑自往迎之女家稍款以茶果婦登輿則女之母隨送至壻家舅姑設宴款女之母富貴家歌吹徹夜至天明始歸壻隨往謝婦之父母亦款以酒而婦之廟見與見舅姑多在三日按家禮婦於第三日廟見見舅姑第四日壻乃往謁婦之父母蓋謂婦未廟見與見舅姑而壻無先見女父母之禮

也此禮宜復但俗沿已久四日往謝衆論駭然今於次日晨起子率婦先廟見拜父母舅姑而後壻往婦家拜其父母庶幾得禮俗之中矣

金陵人家行聘禮笄盒中用柏枝及絲線絡果作長串或剪綵作鴛鴦或以糖澆成之又用膠漆丁香粘合綵絨結束或用萬年青草吉祥草相詡爲吉慶之兆攷通志婚禮後漢之俗聘禮三十物以元纁羊鴈清酒白酒粳米稷米蒲葦卷柏嘉禾長命縷膠漆五色絲合驩鈴九子墨

金錢祿得香草鳳凰舍利獸鴛鴦受福獸魚鹿
烏丸子婦陽燧鑽凡二十八物又有丹爲五色
之榮青爲東方之始共三十物皆有俗儀不足
書按此則今俗相沿之儀物固有所自來矣
近代喪禮中有二事循俗而與古反者沿流既
久遽難變之其一曰服古人遇死喪凡應服某
服者或內親或外親人自製其所應服之服哭
之交友亦不以元冠色衣弔蓋哀感在心故必
變服以臨之耳乃今自同宗外凡應服者必喪

家送布始製而服之不送卽應服而元其冠色
其衣者有矣甚且喪家力不能送共以詬訾加
之而大家復有破孝送帛之事破孝母論何人
但入弔者卽贈以布或絹有平生不一識面聞
名爲布而弔者矣不知變服志哀心旣不哀服
於何有且送而不服尤屬無謂至送帛則本不
爲服直以幣帛將孝子之敬爲酬酢而已其一
曰奠始死而有奠記所謂餘閣者也成服後諸
祭皆主人自爲之其在姻友直有賻襚贈已耳

賻以錢帛襚以衣服賄以車馬皆以助殮與殯之事賓客至有喪者之家哭之弔之奠此物而已奠者置也置其物於前也今賻襚之禮間有行焉賄則江南絕未聞者乃代為喪家致祭屠割羊豕崇飾菓蔬糗糒餽餽寓錢楮幣之類闐塞於庭客乃為酌酒致敬夫酌乃主人之事賓客乃代而行之知禮者謂宜於送孝上祭一切止之惟有服者人自製而服以示哀感變常之意其在賓客第行賻襚以助之或貧者出力以

佐其事祭悉輟而不舉庶使喪主人不苦於送布之紛紛而賓客亦不為此無益之靡費是亦從禮從儉之一端也

軍中鼓吹在隋唐以前即大臣非恩賜不敢用舊時吾鄉凡有婚喪自宗勳縉紳外人家雖富厚無有用鼓吹與教坊大樂者所用惟市間鼓手與教坊之細樂而已近日則不論貴賤一槩用之

歲除歲旦秣陵人家門上插松柏枝芝麻稽冬

青樹葉大門換新桃符貴家房門左右貼畫雄雞此亦有所自起按魏晉制每歲朝設葦菱桃梗磔雞於宮及白寺之門以避惡氣漢五月五日朱索五色印爲門戶飾以儺止惡氣後漢文以朱索連葦菜彌牟朴蠶鍾以桃印長六寸方三寸五色書文如法以施門戶今人家五月五日庭懸道士硃符人戴佩五色絨綾符牌門戶以縷系獨蒜及以綵帛通草製五毒蟲虎蛇蝎蜘蛛蜈蚣蟠綴於大艾葉上懸於門又以桃核

刻作人物珮之蓋用漢五月五日之遺法也

秣陵人家以十二月二十四日夜祀竈餽餅酒

菓自士大夫至庶人家皆然此古五祀之一也

秣陵有昔人龍袖驕民之風浮惰者多劬勤者

少懷土者多出疆者少邇來則衣絲躡縞者多

布服菲屨者少以是薪粲而下百物皆仰給於

貿易而諸凡出利之孔拱手以授外土之客居

以是生計日蹙生殖日枯而又俗尚日奢

上元縣 自晉宋以來衣冠萃止人物繁盛士

皆重廉讓恥夸毗以文章致聲名取爵祿者甚衆

江寧縣 習尚豪侈猶有六朝遺風而上元近東北者敦厚朴實鮮以華靡相競然居鄉者特獷悍不若江寧畏法易治此其不同者也

句容縣 其人秉性愿慤習尚禮義鄉鄰婚喪貧乏者互相周濟以地窄人稠自勤農之外列肆而居者若鱗次然其貿易於外者尤衆以故家多富饒而文物頗盛往往與舊志所稱相符

然善自生殖析利至秋毫而豪右之族婚娶競以奢侈相尚視諸縣爲特異也

溧陽縣 民俗椎魯果毅務農植穀不事商賈然好氣尚力舊稱獷狻難治按縣志民居其間君子尚樸質好儒術小人力耕植少商旅婦女不出戶閫不事交游文藝盛於潘乾之後節義襲於貞女之餘然角氣惑邪未能盡變

溧水縣 按舊州志稱其有山林川澤之饒民勤耕稼魚稻果茹隨給粗足雖無千金之家而

罕凍餒之民信巫鬼重淫祠畏法奉公各守其分安業重遷尤好文學承平時儒風藹然爲五邑之冠按縣志民勤而力稼士重而多介山川碩老樂相恬退有童而野處華顛未識公署者大都樸茂視溧陽而囂健爲少減

江浦縣 蓋割滁和六合地所置按滁志其習尚勤儉按和志其習尚淳質好儉約蓋地當紛更賦役繁重民惟勤儉不事末技故百餘年來舊俗不改士風日盛民知畏法而強暴健訟者

寡俗之可重者以此

六合縣 風俗初與揚州同後改屬江寧江寧文雅好儒術有相類者然地當南北之交舟車輻輳其乘堅刺肥交通厚勢者皆富商大賈而儉約敦樸柔輒乃其故習云昔時楊延朗子見其俗淳遂家焉今宦籍於此者頗衆大抵江以南物力豐厚風流文雅而奢靡相高游冶相尚則其俗之弊者江以北敦朴儉素猶存古風高淳縣 地控三湖專事耕植逐末者寡第冠

婚喪祭未能盡如古禮而角力尚氣以財勢相
雄長挾數健訟以法律爲詩書無能盡改於舊
然明嘉靖初學記謂自學政聿興士風寢盛富
家漸知禮度貧民恥於丐乞婚姻論閭閻市井
鮮博戲無逋賦無囂訟老穉不敢懷詐暴憎閭
閻寢成敦本儉朴之俗則感應之理於斯可見

欽定古今圖書集成方輿彙編職方典

第六百六十卷目錄

江寧府部彙考八

江寧府祠廟考一

職方典第六百六十卷

江寧府部彙考八

職方典第六百六十卷
江寧府部彙考八

江寧府祠廟考一

府縣志合載

本府 上元江寧二縣附郭

社稷壇 在府治北金川門外舊在城西南與

江寧縣社稷同處明正統間專建於此

山川壇 在府治東南雙橋門內

泰厲壇 在府治西北神策門外

都城隍廟 在鷄鳴欽天山之陽明洪武建英

古今圖書集成
一之一
靈坊十廟城隍其一焉本府縣祈晴禱雨禦寇
治獄咸禱於此洪武二十年勅學士劉三吾撰
碑

皇清康熙甲辰里中紳士因順治己亥寇逼郡城感
神之祐重修建坊分守道胡昇猷爲之記

府城隍廟 在府治前本府朔望行香祈禱俱
集於此明萬曆戊子府尹姚思仁建

皇清康熙丁未知府陳開虞修

古城隍廟 在石城門大街康熙四年重修歷

代俱有靈感於民

漢壽亭侯廟 宋慶元建於城東隅明洪武中
遷於鷄鳴欽天山學士劉三吾碑記

皇清順治七年庚寅督府馬國柱馬鳴珮分守江寧
道林天擎重修有碑記改置大門設鐘鼓樓拜
殿祭臺

府關帝廟 順治二年知府李正茂建感神夢
移西華門神像於此本府朔望行香與大利治
大獄有司集焉李正茂爲之碑記

觀音門關帝廟 在燕子磯撫江亭之前江山
環拱如畫

皇清順治七年督府馬國柱捐俸重修勒石為記

小營關帝廟 順治己亥提督管効忠伐覆舟

山木起建規制宏壯塑像威嚴立有碑記省城

內外帝廟不一淮青橋鐵獅子衙雨花臺最著

晉忠烈廟 祀漢秣陵尉蔣子文子文逐盜至

鍾山死死而靈異吳大帝初立廟孫陵岡封為

中都侯改鍾山曰蔣山晉加相國重為立廟南

宋初廢後復修封蔣王齊進號蔣帝南唐諡曰

莊武徐鉉撰碑記宋賜額惠烈明洪武二十年

建於鷄鳴欽天山之陽劉三吾為之記崇禎加

號威靈易今額

皇清康熙癸卯里人重修太平門外鍾山蔣廟今廢

卞忠貞公廟 祀晉尚書令卞壺蘇峻亂壺為

將軍死難二子眈眈皆赴敵死葬冶城立廟諡

忠貞南唐即墓側建忠貞亭宋慶曆中葉清臣

改曰忠孝明洪武中建忠貞廟於鷄鳴欽天山

學士劉三吾奉勅撰記冶城廟如故又卽廟側
建歷代忠臣祠祀南唐中書侍郎陳喬宋通判
楊邦乂御前都領姚興王拱鷄鳴山廟廢冶城
廟存

劉忠肅王廟 祀南唐清淮節度使劉仁贍周
師壓境仁贍鎮壽州力戰固守援絕其子欲降
仁贍立斬之城陷不屈而死廟舊在上元縣西
明洪武二十年建於鷄鳴山黃子澄撰碑今廢
曹武惠王廟 祀宋樞密使曹彬彬平江南不

妄殺一人宋人立祠祀之舊祠在江寧社壇前
明洪武二十年建於鷄鳴山賜額武惠學
士劉三吾奉勅撰碑記今廢按江寧縣志今南
城兵馬司內尚有曹王廟相傳卽武惠王之墓
衛國忠肅公廟 祀元江南行臺御史大夫福
壽至正丙申明兵下集慶路福壽死之明祖詔
立廟旌其忠在城南土門岡洪武改建於鷄鳴
山欽天山宋訥記

祠山廣惠王廟 在鷄鳴山陽明洪武二十年

建宋訥記

皇清順治年間制府馬鳴珮重修

真武廟 在鷄鳴山陽十廟之中石磴三層俱百級一望都城如畫人呼曰高廟明洪武二十一年建宋訥撰文

皇清順治十三年制府馬鳴珮重修勒石為記

五顯靈順廟 廟列欽天山者皆有功德於民典在太常五顯廟亦居一焉以其効靈於國也前明國子祭酒宋訥有碑記

元武廟 在後湖中宋元嘉中有黑龍見乃立廟

歷代帝王廟 在欽天山之陽明洪武建今廢別祀伏羲神農黃帝於其地為三皇祠以其為醫師之祖按洪武六年八月監察御史答祿與權等言伏羲神農黃帝堯舜禹湯文武繼天立極為帝王之所宗宜于春秋躬行祀事庶成一代之典上納其言命禮官叅攷歷代帝王開基創業有功生民者立廟祀之勅宋訥為記歲仲

春遣祭從祀名臣凡三十五人列兩廡

三聖廟 在府治西北按金陵新志神即史皇

蒼頡廟 在臺冶西偏御街未詳所始然其來

必自六朝省部所祠

禹王廟 在保寧坊磨盤街口其地有溝名建

業溝

明功臣廟 洪武二年正月立功臣廟於鷄鳴

山六月廟成上論功列祀二十一人廟宇今廢

洪武三年增戰沒功臣五年增百二十四人七

年令都督祭堂上都指揮以下兩廡

吳大帝廟 唐建按金陵新志在清涼寺之西

相傳即吳故宮

晉元帝廟 唐天祐二年置在卞將軍廟西宋

嘉定五年黃度作新廟於石頭兩廡列當時名

臣三十六人祔享葉適為記

武成王廟 唐開元中立南唐改建於御街之

西

吳伍相廟 在上元縣長寧鄉景定志子胥解

劍渡江處曰胥浦西有伍相林竹篠溝有伍相白馬廟

周江乘廟 在攝山上相傳吳時人蓋賢令也
梅將軍廟 晉梅頤嘗屯營於雨花臺東岡後即其地立廟明王以旂廟碑略云留都聚寶山麓有廟一楹蓋祀晉豫章內史梅公頤也始公居其地或云常屯營焉至今人稱為梅岡廟圯不治弘治中有僧感夢葺於永寧寺側凡禱輒應同郡張寅瞻拜廟下迺徵言鑱石

康樂公廟 在縣西南杏花村北乾道志唐咸通九年建在城西南隅宋開寶四年重修乾道間統制魯安仁改近鳳凰臺即今廟基孫之翰記景定四年制使姚希得重修明正德中太常羅玘改建規制益宏自為記

文孝廟 在縣西南飲虹橋西臨淮水廟祀梁昭明太子宋建炎間圯毀紹興五年重建今廢
炳靈公廟 在飲虹橋西南唐昇元中建長興四年封威雄將軍宋大中祥符元年改封炳靈

公一在城內新橋地明天順七年建

羊頭三聖廟 按金陵志七國時功臣旌忠是

其封號今南門外越臺其祠也今廢

靈澤夫人廟 舊志在長干寺後龍池側事見

曾文昭曲阜集今廢

起鳳祠 在翔鸞坊南祀諸葛武侯

世學宗祠 在城南來賓澗子兩橋之西明崇

禎辛巳祀縣理學如真李登以弟半野從子克

愛耐焉顏曰世學宗祠

元帝祠 在城外南城馴象街明嘉靖三十三年里人范文會重修

天王廟 在城外南城善世橋西南聚寶門外二里臨水背山地亦近幽相傳古廟明正德十年臨安大長公主重修

九天廟 在城內驍騎右衛地明嘉靖間建

龍都東嶽廟 在通濟門六十里明正統間建

萬曆十三年重修

吉山祠山廟 在聚寶門三十五里南城吉山

登嶺見大江宋時建廟其上明天順間修嘉靖
間重修

板橋祠山廟 在郭城安德門外南城地

天妃廟 在郭城江東門外上新河北岸明洪
武間建成化二十三年重修

水府廟 在郭城江東門外上新河北岸元建
名放燈祠明萬曆十八年道士伊貞陽重建改
今額

元帝廟 在郭城江東門外上新河南岸明宣

德己酉建萬曆八年重修

熒惑廟 在郭城江東門外上新河南岸明萬
曆初建一在城內驍騎右衛地隆慶間建

五顯廟 一在郭城江東門外上新河南岸明
成化四年建嘉靖十八年重修一在聚寶門外
南城馴象街

火星廟 在郭城江東門外南壩元時建明弘
治十年重修

大勝關天妃廟 在郭城安德門外南城明建

今募重修

劉忠肅公祠 在蔣山東公諱珙淳熙初爲建
康留守有惠政上元等五縣士民相與繪像立
祠李處全撰記

侯將軍廟 祀侯瑱瑱與王琳戰於烈山下大
捷士人以瑱功烈甚盛故名山曰烈山建祠祀
之

武烈帝廟 在冶城西祀陳杲仁唐書隋末越
人寇長州柴克宏帥師往救杲仁見夢曰吾遣

陰兵助汝及戰大勝克宏奏封武烈帝唐贈忠
烈公宋加封賜額復封克宏靈翊將軍壁有董
羽畫世傳名筆

雙廟 在江東門外上新河北岸祀張巡許遠
褒忠廟 祀宋建康府通判楊邦乂在城南門
外報恩寺南宋建炎三年嘗卽邦乂所立廟以
褒其忠紹興七年詔守臣修之知府事葉夢得
爲記端平初更建祠於學魏了翁記之尋廢明
萬曆四年復建於墓前

旌忠廟 在城南鐵索寺之東南祀宋統制姚
 興紹興中與金人戰死樞密葉義問立祠賜額
 忠節廟 祀宋忠臣王珙在城東三里張浚督
 軍江淮時珙戰歿贈閬州觀察使立廟寨前賜
 額忠節
 忠烈廟 在竹街祀宋靜江軍節度使牛富富
 霍丘人以統制守樊城元兵陷城赴火死詔贈
 官諡忠烈
 東平忠靖王廟 在江寧鎮元至正二年建

曹南王祠 在柴街祀元阿剌罕至正元年建
 中書左丞許有壬撰碑
 徐將軍廟 在獅子山明洪武初建學士宋濂
 記
 董將軍廟 在上元門外將軍名成隨曹武惠
 王下江南保全民命祀之
 嘉惠廟 在城東南二十五里紹興元年賜額
 慶元志丞相沈該政和中作邑上元禱雨應刻
 詩於祠

李王廟 在城東南十里南唐李主也里俗呼曰李帝廟

軍師廟 在鎮淮橋東北祠諸葛武侯

白馬廟 在崇福鄉宋顧琛為朝請晚至方山

下商船數十泊東岸見有朱衣介幘乘白馬執

鞭者屏諸船曰顧吳郡將至後琛果為吳郡乃

即所見處立廟按慶元志廟在江寧縣隨車鄉

去城三十里近方山

先賢祠 舊在青溪之東宋開慶元年制使馬

光祖建所祀諸賢皆生長金陵與遊宦往來於

斯者共四十一人各有記贊閩士陳宗上書言

蘇文忠亦嘗往來題咏金陵山水間宜入祀末

後祠毀明太史焦竑言於大學士李廷機葉向

高乃屬祠祭郎葛寅亮於普德後山建祠設位

為文以記補入蘇文忠春秋祀之

程明道先生祠 在上元縣治中紹興中主簿

趙師秀即廳事西偏繪像祠先生嘉定乙亥主

簿危和在簿廨東偏得鈴轄廨舊基改建明道

祠中嚴繪像外護重門未幾鞠為軍儲賓寓之所明景泰初知縣姜德政於縣治東南隅建祠宇南向塑像於中祀之國子祭酒吳節撰記翰林陳沂為祠堂記

范忠宣祠 在舊轉運司宋嘉定八年真德秀建

真文忠祠 寶祐間馬光祖重建於壽思堂之西

馬莊敏祠 在城隍廟東祀宋制使馬光祖

南軒先生祠 在天禧寺先生侍父魏公居建康時即天禧寺竹間構屋讀書名南軒宋淳熙三年杜杲建祠為之記

一拂清忠祠 在清涼山麓祀宋鄭介公俠鄭國僅存一拂故人稱一拂先生父江寧監稅先生隨父任讀書清涼寺中嘉定間總領商碩為

祠以祀後圯明萬曆中里人葉向高修復之又建堂祀明靖難閩中死事諸臣葉福陳彥回陳

繼之林英及諸生會廷瑞伍性原陳應宗呂賢林珏鄒君默等而以張經周起元附焉向高爲之記

陽明祠 在西華門大街許真君廟側今廢焦竑有重修陽明先生祠堂記

廉直祠 在富民坊西祀工部主事何遵正德時諫南巡杖而死嘉靖初贈尚寶司卿祠祀之堂名表忠

耿天臺祠 在清涼山之南祀明督學御史耿

定向有坊額曰耿天臺先生講學處

表忠祠 在全節坊明萬曆三年本府奉詔創立崇祀建文時靖難諸臣經筵學士方孝孺魏國公徐輝祖等百二十人建坊於朝天宮之東巡撫宋儀望爲記知縣林大黼爲祭田祭器記崇禎五年賜諸臣諡府尹詹士龍重修南禮部侍郎錢士升有記後祠宇頽圯木主殘失

皇清康熙四十四年總督阿山修葺重新木主殘失尚有遺漏無考內惟四川斷事方法十一代孫

泗州訓導方世宏呈請補入方法木主按表忠紀方法桐城人建文己卯舉人為四川都司斷事抗直持廉未樂即位不肯署表賀被逮舟過皖江瞻望再拜曰得望我先人鄉可矣遂沈江而死妻鄭收其爪髮葬之

青溪黃忠節祠 在桃葉渡祀明禮部侍中黃觀妻翁氏及二女配焉相傳即妻女死節之處萬曆中重修禮部侍郎趙用賢有碑葉向高有黃公忠烈祠記

黃侍中祠 在馴象門塞洪橋之東有墓在焉相傳妻翁氏與二女投水而死家人亦從之即此地焦竑有碑記

青溪夫人祠 在金陵閘夫人南朝甚有靈驗宋猶有之今廢按青溪小姑者漢秣陵尉蔣子文妹也嘗遇難妹挾兩女投溪中死青溪小姑祠其來舊矣明萬曆戊戌間有通紀載黃觀夫人翁氏死節挾兩女投淮青橋下見此像相似以為當時隱其迹也遂改作節烈祠祀翁氏母

子焦竑云祕閣見書載翁氏母子死節在塞洪橋三屍倚岸久之有以一木共收之者至明弘治間始以土掩之塞洪橋近馴象街其配象奴之說恐誤

方正學祠 在聚寶山之南先是祠面東北堂與鍾山相對垣不盈丈像幙頭朝服秉笏端坐常向孝陵示不忘也祠以南有墓在焉祠西木末亭也相傳門人王稔輩拾遺骸葬此明萬曆己丑始於其地祠之甲申祠毀其十七代孫方

樹節死於墓側今

皇清順治十三年洪若臯朱謨白夢鼎謀復其舊守者以山巔不可久迺建今祠易堂而西易亭而南易幙服而冠裳其祀則存而北向之志則失庚子祠成洪若臯白夢鼎爲之碑記其題柱有起懦廉頑一夕秋風生木末成仁取義千年春草在長干之句

景御史祠 在聚寶山正學祠左明靖難兵至一時元勳國老大夫士庶以暨樵牧緇羽匠作

憤發敢死者數十百人御史大夫景清特著

周忠節祠 祀衡府紀善周是修名德以字行

江西太和人舉明經爲霍丘訓導陞辭高帝問
家居何爲對曰教人子弟孝悌力田高帝喜畱
之命侍東宮講讀尋改周府紀善建文元年王
有過盡逮府吏詣獄是修以嘗諫得免改衡府
紀善衡王建文母弟也未之國是修畱翰林纂
修國史數陳國家大計燕兵渡淮與蕭用道上
書指斥用事者誤國罪及師入金川門宮中自

焚是修畱書別友人付以後事具衣冠入應天
府學爲贊繫衣帶上自經於尊經閣下故於學
宮立祠祀之修撰焦竑爲之記

三忠祠 在聚寶門外南岡祀宋楊忠襄邦乂
文忠烈天祥最後祀南大司馬李邦華三人皆
吉產而以靖難死事諸臣吉水王艮王省永豐
鄒瑾魏冕鄒朴廬陵曾鳳韶顏瓌泰和周是修
龍泉張彥方九人配之忠襄死事建康父老百
世祝之文忠烈過金陵懷忠襄死燕市祀之南

大司馬李死京師賊難江東父老思之不忘合祀之

惠澤祠 在善世橋隆慶元年邑人趙善繼等建祀官斯土有功於民者十人苑馬寺卿盧璧記

丁清惠祠 祀南京工部尚書丁賓丁初任句曲令有惠政民尸祝之後歷任南操江大司空行條編法裁革坊廂均賦役里甲坊甲各有定制興學校濬河造橋梁惠民便商與海忠介先

後德澤被於江左紳士庶民感之祠於淮青橋之西南賜額曰勞績祠

倪兵部船政祠 祀南兵部車駕司郎中倪涑字雨田上虞人轄船政剛方愷悌定運甲法衛所感之立祠於朝天宮卞將軍廟左

王府尹祠 在雨花臺側祀應天府尹王爌爌為尹有德政民立祠祀之

汪府尹祠 在梅岡下祀府尹汪宗伊

鄭郎中祠 與汪祠並祀兵部武選司郎中鄭

一麟

黃府尹祠 在秦淮貢院左祀府尹黃承元

張莊節祠 祀太子少保左都督張可大在雨

花臺松風閣祠向南中爲佛殿右東向爲閣閣

之北爲小閣爲青竹軒閣之後爲半閣殿之右

爲西軒羣室數楹庖湍略具先是其子鹿徵購

爲讀書之地崇禎壬申可大死登州難鹿徵伏

闕上書得賜祠祭贈廕祠額旌忠例於里中建

特祠遵賜額患難之後力不能舉乃奉主於閣

之上以妥時祀乙巳子鹿徵復奉先代神主於

西軒顏曰張氏家祠歲時修祀鹿徵無子乃銘

於東壁以示後人曰高閣層軒先靈妥焉一木

一石一瓦一椽皆經心血護此几筵灑掃必親

享祀必虔勿替引之是在象賢鬻及借人雜聚

叢愆是曰不孝罪通於天神之聽之苟曰無然

汪文毅祠 祀明翰林檢討汪偉與繼室耿氏

同日死節

皇清順治八年詔恤崇禎死事諸臣賜諡賜祭賜祠

各有差賜翰林院檢討汪偉祭葬諡文毅建祠
江南賜田七十畝春秋祀之其子孝廉觀擇地
於治城之西古城隍廟之北西園故地而祠祀
之

陰山廟 在江寧縣西南十二里晉建武中王
導於岡阜間隱約見步騎數十駐立壟上導怪
之使人致問俄失所在是夜夢曰我陰山神也
昨隨帝渡江寓泊於此卿爲我置祠當福晉祚
導以是事聞上爲置廟名曰陰山宋開寶八年

平江南曹翰重修因爲記書於堂之西壁今廢
蜀三大神廟 清源君梓潼君白崖君皆蜀中
神制使姚希得自蜀來建三神廟於青溪之側
卽今洞神宮是

二郎廟 在西華門大街巷內祈禱靈驗順治
己亥馬鳴珮建痘神廟於旁

華光廟 在上浮橋西

蕭公廟 在驍騎營西隅臨城明萬曆中重修
學士余孟麟爲之記

翔鸞廟 在武定橋南翔鸞坊明萬曆中重修
五顯靈官廟 在聚寶門外來賓橋西南小巷
西善橋又五顯廟鄉人香火亦盛

劉公廟 在三山門外西南

眼香廟 在牛首山旁俗傳宋高宗妃避難於
此死而為神眼疾禱之輒愈

插花廟 在上元縣東清化鄉廟建於元季祀

土神明崇禎中重修閩黃居中有記

宗三廟 在三山

李氏女廟 在三山

西齊王廟 在東流不詳所自俗謂夫人能治
目疾並祀焉

白仲都廟 在白都山

句容縣

社稷壇 在縣治西一里明洪武元年立舊在
子城北後移青元觀西南

山川壇 在縣治東南二里明洪武九年立

邑厲壇 在縣治東北

鄉厲壇 凡十二所在各鄉

城隍廟 在縣治南元立明景泰三年重建

皇清順治十三年重修

關帝廟 一在東門一在西門一在南門內

宣聖廟 一在福祚鄉許巷紹興間四十八代

孫孔端隱立祠明末樂間五十八代孫孔禧移

於今處五十六代孫孔希潮記萬曆間六十二

代孫孔聞勅重修吳文梓爲記一在縣坊郭東

南隅四十八代孫端佐爲記一在承仙鄉北社

村子孫書香蕃衍不絕

真武廟 在縣東北隅宋景定間建今坊民重

修

三茅真君廟 按舊志漢詔勅郡縣修丹陽句

曲真人廟以茅君分理赤城每年十二月二日

駕白鶴會於此

護聖廟 在茅山元符宮祀句曲山神歲五月

五日有司祭

廣濟廟 在茅山前有龍池相傳陶隱居參龍

於此歲旱禱雨輒應宋紹興勅封敷澤廣濟侯
歲令有司驚蟄日祀之

夏禹王廟 一在秋千村一在赤山湖

梁文孝廟 在東門內昭明嘗讀書茅山邑人

祠之

文昌廟 在縣南政仁鄉東岡村

駒驪山神廟 在縣東北移風鄉駒驪山下

三義廟 在西門外關王廟後

龍王廟 在縣東門內明萬曆二十四年禱雨

有應重修

都城隍廟 在縣治南臨泉鄉卽漢將紀信居

民遇旱潦虔禱其應如響

李衛公廟 在縣治東南唐武德四年輔公祐

據丹陽反靖討平之民遂祠祀

顏魯公廟 在縣東顏家村宛陵太守王遂有

記

盧大王廟 在縣西北南唐史盧絳任江南昭

武節度使城圍日頻立戰功及金陵陷募兵入

閩以圖興復不果而敗邦人立廟祀之舊以爲
盧綰者誤

曹王廟 在縣南祀武惠王彬

張土廟 在縣南十里福祚鄉有張墓數百里

紹興經界時蠲賦禁民佃東有石柱前有陂池
相傳王飲馬於此今額正順忠祐靈濟昭烈廟
武烈廟 在東門南唐陳杲仁以陰兵助柴克
宏取捷奏封武烈帝

劉明府廟 在縣東門內祀晉邑宰劉超明天

順間劉義爲令有德政民肖像祠中

戴尚書祠 在縣南六十里政仁鄉祀後周禮

部尚書宏迄今子姓烝嘗不廢

馬祖廟 在縣之北馬廠東明景泰間管馬主

簿楊立建嘉靖十六年令周士重建今廢

季子廟 在縣東四十五里

達奚將軍廟 在縣東南隅白羊門內至元庚

辰重建

西祠山廟 在縣郭之西宋天聖間建造明正

統成化間重修今重門回廊殿宇深邃可觀

三聖廟 在縣治東南隅晝錦坊宋元間建造

明天順五年尚書曹義重修

射鳥廟 在縣治西北六十里瑯琊鄉射鳥山

龍王廟 在縣治東三十里來蘇鄉虎耳山後

禱雨有應新其殿宇

張果老廟 在縣治東望仙鄉張果老洞前

祕書郎廟 在縣治南句容鄉秦檜巫汲江賓

王常過廟前有異報後三人皆登第任顯官人

愈崇信之奉祀不怠

沈使君廟 在縣北七十里仁信鄉祀宋沈慶

之

溧陽縣

社稷壇 在縣西門外宋嘉定中陸子適建

山川壇 在縣南門外明洪武初建

邑厲壇 在縣北門外明洪武初建

城隍廟 在縣治東南明正統初建成化重修

伍相廟 在西南六十里護牙山下貞奔吳及

破楚道經此地後人廟祀之有二一在平陵城

一在濟渡橋

顯惠廟 在縣北二十里埭頭村祀漢司空溧

陽侯史崇宋大觀二年賜額政和二年封靈濟

公

貞義女廟 在縣北鳳凰橋按吳越春秋貞烈

傳貞義女黃山里史氏女也吳王僚五年伍子

胥去楚自鄭奔吳中道而疾乞食溧陽值女擊

綿于瀨管中有飯子胥跪而乞餐女子飯之子

胥餐已欲去謂女子曰掩子壺漿母令其露女

子嘆曰嗟乎妾獨與母居三十年自守貞明不

願從適何宜饋飯而與丈夫虧越禮儀妾不忍

也子行矣子胥行反顧女子已自沉於水其後

闔閭十年子胥以吳兵入郢還過溧陽瀨水之

上長嘆息曰吾嘗飢乞食於女子女子飯我自

沉而亡欲報以百金而不知其家乃投金水中

而去

土穀祠 在縣北十里即社稷之散見者也

馬神廟 在西門外一里溧邑舊有群牧之地
茲廟猶為祀典所載也

岱嶽廟 在北門外

火星廟 在城隍廟東熒惑夏火主霍揚荆交
四州此南方之正祀也

溧陽侯祠 在埭頭村祀漢司空史崇宋政和

三年禱雨有應加封靈濟公大觀元年賜廟額
曰顯惠其子孫稱為祖侯廟元至元四年裔孫
史禮之重修迄今世守焉按侯祠建於漢南唐

昇元中旱禱多應郭延紹撰記宋崇寧丙戌夏
不雨知縣李互率吏民迎神歸車蓋發途雲靄
隨至晡雨晨足歲以有秋上其狀漕使者以聞
明年正月詔加廟額以答神貺李互序云池湧
三泉於神位之下花發一枝於古楓之旁蓋實
錄也

趙王廟 在趙城按林雲記似亦報功之祠也

梁城廟 在梁城湖昔之白龍三塔寺也梁敬

王子劉欽封於此或其建國廟祀之所乎今不

存

關帝廟 在報恩寺左

潘真君廟 在三鶴山按寰宇記潘氏兄弟三人化鶴者也土人立廟禱雨有驗又朝山有白鶴廟亦云仙人之蹟

忠祐廟 在東門外三里祀隋將陳杲仁宋陸子適重建按杲仁字子威隋末保據常州南唐時陰助守將柴克宏奏封武烈宋宣和中加封賜額并封克宏為佐曰靈翊將軍溧與毘陵鄰

壤亦捍患則祀之義也又按元延祐五年淮常州路牒加封武烈顯靈昭德仁惠孚祐真君而俗復有武烈大帝之號則黷而不典矣

三節祠 在顯惠廟側史文煇之女善貞死紅巾之亂其從子以辰刲股療母病元傑以千戶死交趾之役裔孫史學合祠祀之

祠山廟 在西門外招遠坊相傳神姓張名渤發蹟廣德句容二處稱忠祐靈濟廟溧與廣句近故亦祠之二月八日云是誕辰走祀如鶩然

以為神佐禹治水有功則荒唐矣

高鄭二王廟 在縣北街不知何神相傳漢所封也

明王廟 在縣南街即土地之神按林雲趙明王廟記在趙城此或後人做置者也

武程將軍廟 在西北青安門外不知何神今改為湯氏祠

土城廟 在縣東北隅云亦東門土神也

普濟廟 在縣北十五里楊莊亦祀祠山之神

輔順廟 在縣西北四十五里相承亦隋陳子威之祀

顯康廟 在社稷壇側即五顯也

赤鄒將軍廟 在北二里屠塘右俗傳史壯侯將也今止存一竹園

三郎廟 在北門外相傳其神姓金兄弟三人俗曰三寶武靈廟明弘治間知縣沈瓚廢萬曆

中復建按唐李善云野仲遊光兄弟八人常在人間作怪害今世俗所奉五顯靈公木下三郎

皆是按江表傳孫皓時有石印三郎神皓以太
牢祭之巫祝詐以朱書石云楚九州渚吳九州
都揚州士作天子四世治太平始皓喜以爲太
平之兆遣使以印綬封三郎爲王此廟或謂卽
武烈廟蓋又因陳杲仁而譌也

華光廟 在縣北三十里卽五顯之屬

聖姥廟 在曹山下

茅司徒廟 在東門外一里崇莊巷今毀按稽
神錄浙江僧名德林者遊舒州路見一夫荷鋤

治方丈地左右數十里無居人問之對曰頃自
舒逕此暴得疢疾臥草中四望無人惟聞虎嘯
自分必死俄一人至部從如大將下馬良久召
二卒曰善守此人明日送至桐城縣遂去惟二
卒在某強起問之卒云此茅將軍也常夜出獵
虎憂汝被傷故使守汝某卽從行意甚輕健至
桐城倏不見今病愈於所見之處立祠祀之德
林至舒十年回則村落皆立茅將軍廟今俗呼
爲茅司徒者是

溧水縣

社稷壇 在縣西門外明洪武二年建嘉靖四年改今地

山川壇 在縣南門外明洪武二年建

邑厲壇 在大東門外

鄉厲壇 每鄉各一

城隍廟 在縣治通濟街按宋乾道提舉王端

朝記云神為唐縣令下邳白公諱季康元和四

年為縣令而終於溧水歸葬下邳溧民尸而祀

之數百年不忘即縣治為祠紹興中請於朝賜

廟額正顯後進封廣惠從子白居易誌略曰公

為人溫恭信厚為官貞白嚴重友于兄弟慈于

子姪鄉黨推其行交遊讓其才自尉下邳至宰

溧水皆以廉潔通濟見知於郡守流譽於朋僚

才不偶時道屈於位而徙於州縣竟不至於青

雲命矣夫明嘉靖重修萬曆中縣令陳子貞重

修建懷白亭有記

關聖廟 二明萬曆間建在河東岸一在縣南

邵村唐垂拱五年建宋孝宗甲辰修明萬曆重修

三賢祠 在縣西南二十五里梅梁渡邑民建祀賀一桂傅應禎吳仕詮明萬曆初時勅

聖母廟 在縣東一十里蓋中山神俗號俞母宋元豐間禱雨應

樓子岡廟 明成化間訓導郭鉉有記

曹山廟 在縣西北一里明嘉靖間旱諸禱弗應聞東南六十里溧陽界有曹姥神長吏遣迎

之甚謹果禱而應及他禱雨者至罔不應是歲遠近大穰遂立廟祀之按建康志姥獨居曹山卒石室中後人稱聖母云廟名曹山者以此東嶽廟 在城隍廟西元至正元年建明成化間縣令王弼修嘉靖甲寅主簿孫祿重修張真君廟 在大西門外半里

元壇廟 在樂安坊創於明初嘉靖間修崇禎十三年邑民馬繼桂道士陳尚坤倡募重建三公廟 在小西門外

準提殿 僧觀生募建

都天降福廟 在望京街

八仙廟 在小西門外俗名眼香廟

五顯廟 在南門內永安街東

木下廟 在唐朝巷

吳童廟 在大東門外演武場側東晉昇平元

年剏相傳晉時水大發有一木匣遡流而上至

廟後旋轉不去里人異之發匣得一童子木像

長尺許遂立廟祀之有禱輒應像至今存

蒲神廟 在縣南五里今存其址舊志作杜城
悞

竹塘廟 在縣東南八里

晏公廟 在縣南二十里

祠山大帝龍王廟 在縣南仙壇鄉十九圖久

圯明嘉靖間祈雨應白鹿鄉陳鳳山重建

祠山廟 在縣北三十里明崇禎間建

楊塘廟 在縣東四十里

關帝廟 在縣南六十里邵村市一名爲崇寧

觀建於唐垂拱五年宋孝宗甲辰歲修明萬曆初重修

楚平王廟 宋知縣周邦彥有詩

荆將軍廟 在縣南四十五里孔鎮南大路西古城內舊志未詳何時人

左伯桃羊角哀廟 在縣南七十五里左羊事詳墓下廟因墓而立中侑以介子推像莫知其故舊志云地名介墟者有子推墓像亦因之耳今其地其墓皆無考况子推晉人而自焚死於

晉者安得墓在此乎劉向又謂介以仙去

東嶽廟 在縣東四十五里吳村橋

五顯廟 在郃村市歲久傾圮明嘉靖間居民商賈共修建之每以禱雨有應

祠山廟 在大西門外開福寺後明嘉靖六年陳璋陳灌建萬曆丙辰年何桂陳文熊增山門三間

大山廟 在縣北四十五里崇賢鄉柘塘市南唐時造

三官廟 在城南南渡橋右明萬曆甲辰年建
道士王德遷造前門正殿僧碧天增佛殿於後
東平王廟 在縣東北三里邑庠章星文施基
明崇禎間建

花馬廟 在縣東一十里順治十一年重建

七郎廟 在縣東三里

魯塘廟 在縣西北一十二里

丞烈廟 在縣東五里陳有序募建

娘娘廟 在湯村明萬曆二十六年建

昌福祠 在縣西二十五里石甃壩明萬曆間
邑人王知充建有願起元碑記今改爲淨雲禪
院

文昌祠 在北門外永壽寺內

禮部侍郎劉公祠 在縣北三十五里名太真
唐時人宋杜子源有記

表忠祠 在北門外望京街明嘉靖四年邑令
王從善建祀兵部尚書齊泰扁其堂曰勁草名
曰中山書院萬曆改元詔復建文死難諸臣爵

予春秋祀縣令傅應禎建坊顏曰表忠

徐公祠 在北門外望京街明萬曆間邑民建

祀嘉興徐必達邑人王守素記

江浦縣

社稷壇 在縣治西北明宣德九年建

山川壇 在縣治西北三里

邑厲壇 在縣治北二里

鄉厲壇 凡二十九在各鄉

城隍廟 在縣治西南明洪武二十四年建天

順四年修萬曆四年重修

項王廟 在烏江去縣西六十里

馬神廟 春秋仲月上戊日祭

魁星樓 上丁日祭

土地祠 春秋仲月上戊日祭

慕賢祠 祀陸象山陳白沙王陽明

文昌祠 春秋仲月祭

關王廟 在縣城外五月十三日致祭

忠烈祠 原名雙忠在縣北門外教諭秦松華

倡復訓導張士猷典史張士稷共捐俸修葺

定山祠 在縣治南大街明嘉靖十三年知縣

劉縉建祀理學名臣莊昶南京禮部尚書增城

湛若水記

六合縣

社稷壇 在縣治西門外明洪武間立正德間

遷今處

山川壇 在南門外明洪武間立

邑厲壇 在縣治北明洪武間立

城隍廟 在縣治西高岡上按舊志廟卽淮南

九江王黥布祠宋景德紹興開禧間靈跡顯著

賜廟額曰昭衛明洪武封爲監察司民顯祐伯

歷正統嘉靖萬曆間英靈益著

皇清順治間重修康熙丁未邑有虎害民知縣顧高

嘉爲文告神以驅之虎三日卽遜

關帝廟 在東門河干滁冶二水合流處

東嶽廟 二一在縣東二里冶浦橋西未詳何

時建宋嘉定十年縣令劉昌詩建門樓廊廡明

永樂十一年道士金元正民人徐仁重建正德十一年道士李日昕士人金玉建前殿及兩廊後道士張守元民人余金造山門按東嶽廟素著靈爽歲久殿圯崇禎戊寅年有徽商汪冲宇捐千金勸募合造大殿三楹迴廊一轉悉皆金碧左瞰靈巖若以翠屏扶之蓋宛然日在於觀天爲之門矣一在縣北四十里

泰山行宮 在東嶽廟西明正德十六年邑人余金唐昂建嘉靖初道人陳道恩修

祠山廟 二一在東嶽廟西舊廟久廢宋嘉定九年縣令劉昌詩修造明末樂十五年民人陳佛保重建嘉靖二十九年道士時守相重修一在縣西北五十里

順應廟 按嘉定志在長蘆江上卽安濟夫人祠也有僧於漁人網中得香木刻成夫人像夜夢曰吾丁氏也因置小祠於江岸禱祈卽應後宋天聖間建立大其祠宇奏請加封安濟夫人紹興十九年淮東漕運湯鵬舉復奏賜額順應

明洪武七年民人林文傑重修

五聖廟 在縣治西明弘治十年知縣翁諫耆民瞿端道士陳道德建嘉靖二十六年道士奚陵澤民人胡恩趙俸重建山門正殿法堂及兩廊

真武廟 二一在縣西北元真觀之基後明正統間道士盛永泰建弘治元年知縣翁諫重建住持道士王景星建三官殿嘉靖三十一年道士朱常清道人莊浦淨建山門二門火星殿瘟

司殿及後山一座前塘一面繞以磚石垣牆一在瓜步山明洪武十六年巡檢劉安建永樂五年江陰衛千戶王天麟修日久傾頽正德八年壽官謝宗旦重建益以玉皇殿三間萬曆四十二年知縣張啓宗重修三殿鼎建二門扁曰治世元岳按縣西真武廟乘元真觀之來脉去市未遠便覺幽閒前有池如偃月萬曆二十二年甲午冬池有冰梅如畫根皆起近岸處或藁發或孤挺或老幹槎枒或氣條旁出或稍頭有滿

月輪或初月一眉痕耳位置天然人力未逮經
旬不澌可稱奇絕觀者如堵又永樂間金水河
及太液池冰凝結樓閣龍鳳花卉之狀奇巧特
甚蓋以與此同稱冰異云

慈濟龍王廟 在縣南五里龍池之東按嘉定
志載宣和六年勅賜王爵父老云池龍託夢於
靈巖寺主僧謂池傍居民不潔願徙巖下冀聽
法音主僧日率衆西望迎之果起雷雨於山中
立白龍祠舊廟廢於兵火嘉定九年縣令劉昌

詩臨池上立祠塑像作楚辭招之遇旱禱雨於
此

龍王廟 三一在縣東北三十五里馬頭山上
元至正二年民人陳得等建十三年六合縣達
魯花赤伯士寧修明洪武二十一年民人胡有
興等修正統十二年重修一在縣東南十五里
靈巖山上宋至道間廟墮塌明末樂三年豹韜
衛千戶周興重建一在縣東五里冶浦橋東明
弘治十六年民人沈清建久廢嘉靖三十年知

縣董邦政建禱雨於此有應

吳大帝廟 在縣西南二十五里瓦梁堰高壟

上按嘉定志名吳王廟即孫權也成化志云權

屯兵之所未詳何年建立元泰定三年邑人徐

斗祥重建有碑記

白龍王廟 在縣南一十五里宋天聖八年建

值兵燹明洪武七年民人徐伯榮重建

白馬將軍廟 在縣西南五里明洪武三年民

人湯得先建

茆司徒廟 在縣西南四十里按嘉定志廟有

碑記載司徒為驅虎神

忠賢祠 在縣治北南京禮部尚書霍韜立祀

名宦鄉賢按舊志唐康大尹禱雨投江志切民

隱宋韓世忠岳飛禦金兵往來江上勇烈顯著

明歐陽得基宰邑惠政為民哀思皆六合名宦

之著者也都督楊能策勳邊塞叅議黃宏死節

抗逆皆六合鄉宦之賢者也廟食茲土於禮為

宜創為忠賢祠後續元處士郭淵明廣東按察

使王弘二人又邑人張約人前代以忠見殺明知縣唐詔首稱循良俱入祀今未修

泰山廟 在冶山明嘉靖二十年道人汪潮建僧性鎧重修

將軍廟 在縣西北四十里黃董山上

后土廟 在縣西北五十里竹鎮市宋建炎四

年僧岳欽立頽毀明嘉靖二十一年道士劉景

暘重建

天妃廟 四一在縣東南五里一在縣東南二

皇清十五里一在縣東二十五里一在縣東南三十

三里

東王廟 在縣東北四十里

落帆將軍廟 在縣東南二十五里帆山上按

落帆將軍廟居帆山之巔凡舟過必禱石帆也

而後布帆無恙後一洞藏唐神建禪師肉身其

中屢代雩禱立霈甘澍近洲龍舌漸長被之蘆

葦密邇瓜步若可褰裳涉者

昭烈張王廟 在縣西北趙家山上

高淳縣

社稷壇 在縣治西北明弘治間立

山川壇 在縣治東南明弘治間立

邑厲壇 在縣治北

鄉厲壇 每鄉各一

里社壇 每里各一

城隍廟 在察院西明嘉靖五年建萬曆五年

重修崇禎三年復修

皇清順治十二年再修

關王廟 在北門內設縣初明府丞冀綺建

皇清順治四年重修

祠山廟 在縣東六十里祀漢張渤明高帝提

兵至此卜之神吉為詩二章紀之戰於彭蠡神

助戰滅敵遂封真君春秋致祭

水府祠 二一在縣東南東新橋明弘治間建

一在縣西五里明萬曆四年圩長陳爵二修陡

門圩今改永濟庵

楊家祠 在縣西十二里祀唐相楊綰順治初

年重修

昌福祠 在縣東南三十里

五顯廟 三一在東門外陳希仁建明天啓六

年陳汝光修

皇清順治四年僧紹隆募資重修一在唐昌鄉禮村

一在松兒鋪

晏公廟 四一在縣治東望洋門右秦江倡建

皇朝男尚文修明太祖征偽漢助戰於鄱陽湖令應

天五府祀之一在縣南二十七里劉家橋明崇

禎間劉以清修一在相國圩茅城葛氏建一在

練城村

磚砌廟 在縣東三十里

遊山廟 在縣東三十里遊山頂明萬曆十年

建

白鶴仙廟 在縣東三十里遊子山

大王廟 在縣治西康熙六年建

雀岡廟 在縣東五十里

安興廟 在縣東六十里

泗洲廟 在縣東六十里

半山廟 在縣東六十里

三義廟 在縣東六十里今廢有知州張著詩

東嶽廟 在縣東南六十里下壩一在廣通鎮

上壩北明隆慶二年湯玉曹永愷倡修崇禎間

湯彥仍吳學廉曹尚卿楊顯德重修

宗三廟 一在縣西十里明正德五年建今改

額爲永勝庵一在縣東南十五里明隆慶間建

蛇王廟 在縣西二十五里

划船廟 在縣西三十里唐文德間建祀水神

五月五日居民以龍舟競渡盛禮致祭

八仙姑廟 在縣北十里祀蠶神

成楚王廟 在縣東北三十里莫考所自

花樹廟 在縣東六十里

中山聖母廟 在縣十里中山廟以是山得名

山有聖母廟按舊志南唐昇元六年韋真君記

蓋相傳爲后土之神云元豐間民禱雨輒應

皇清順治癸卯知縣馮泰運重修

